

Oqaluuserisassanut nassuiaat

(Inatsisartut Siulittaasuat)

Immikkoortup 20-p pingajussaaneerneqarnissaa novembarip ulluisa aappaannut kinguartinneqarpoq. Immikkoortoq ullumikkut pingajussaaneerneqartussaagalarpoq.

Immikkoortoq 20-p qulequtaraa : Kalaallit Nunaanni aalisarnermi pisarineqartut isumalluutiniq atuinnermut akitsuutaat pillugit Inatsisartut inatsisaata allangortinneqarneranik Inatsisartut inatsisaat.

Immikkoortup 131-p aappassaaneerneqarnissaata UPA2022-mut kinguartinneqarnissaanik Naalakkersuisut qinnuteqarput.

Immikkoortoq 131-p qulequtaraa: Kingornussisarnermik inatsisip, aappariit pigisaasa agguarnerat pillugu inatsisip, toqusup pigisaasa agguarneqarnerat pillugu inatsisip aamma eqqartuussisarnermik inatsisip, akiliisinnaajunnaarneq pillugu inatsisip, eqqartuussivikkoortumik nalunaarsuineq pillugu inatsisip, aappariinnerup inatsisitigut sunniutai pillugit inatsisip kiisalu inatsisit allat allangortinneqarnerisa (Toqusup pigisaasa agguarnerat pillugu inatsisip malitsigisaanik allanguinerit) Kalaallit Nunaanni atuutilersinneqarnerannik peqqussutissatut missingiummut Namminersorlutik Oqartussat isumaqataanerat pillugu Inatsisartuni aalajangiiffigisassatut siunnersuut.

Siunnersuuteqartup oqaluuserisassaatini immikkoortoq 84 tunuartippaa. Immikkoortoq ullumi ataatsimiinnermi oqaluuserineqartussaagalarpoq.

Immikkoortoq 84-p qulequtaraa: Borgmesterinik borgmesterillu tulliiniq kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersoq allanguuteqartitsinissamut Naalakkersuisut UKA2022-mut siunnersuuteqaqqullugit peqquneqarnissaannik Inatsisartut aalajangiiffigisassaattut siunnersuut. Allanguutissami ataatsimiititaliani siulittaasusut qaavatiqut akissarsiassaasussaagaluartut, kommunalbestyrelsimi ilaasortaasunut tamanut agguarneqarneqartussanngortillugit.

Ilaasortat uku akornanni taasisarnerit pillugit isumaqatigiissuteqartoqarpoq:

Múte Bourup Egede, Inuit Ataqtigiit aamma Erik Jensen, Siumut.

Agathe Fontain, Inuit Ataqtigiit aamma Nivi Olsen, Demokraatit.

Mariia Simonsen, Inuit Ataqtigiit aamma Aslak W. Jensen, Siumut.

Kristian Jeremiassen, Inuit Ataqtigiit aamma Lars Poulsen, Siumut.

Anders Olsen, Siumut aamma Sofia Geisler, Inuit Ataqtigiit.

